

# adr-

ALTERNATIV DEMOKRATESCH  
REFORMPARTEI

# de pefferkär

## D'Alternativ fir Beetebuerg

### Gemengewalen 2017

## ADR: eng kloer Sprooch!

D'ADR ass d'Partei vun der Rentegerechtigkeit. D'ADR ass d'Partei vum Referendum, mat hirem 3x Nee. D'ADR huet gewisen, datt si denkt, wéi d'Leit am Land och denken.

D'ADR ass eng jonk Partei mat just 30 Joer. Vun hire soziale Wuerzelen huet si sech weiterentwéckelt zu enger sozial engagéierter, un de Wäerter vum Land orientierter Partei. D'ADR verdedegt d'Demokratie an d'Rechter vum Einzelnen. Duerfir wëlle mir eis Asaz an der Gemeengepolitik verstärken.

Mir bezéie kloer Positiounen, an eis Hauptthemen bleiwen an der Gemeengepolitik aktuell:

- Lëtzebuerger Sprooch a Kultur
- Integratioun

- Schoul, Familljen- a Sozialpolitik
- Antriede fir d'Privatsphär an d'Meenungsfräiheet, mee och fir d'Sécherheet
- eng humanistesche a rechtliche Approch zur Flüchtlingspolitik
- Hannerfroen vun den EU-Exzessen an d'Betounen vum Wäert vum Nationalstaat
- fräi Marktwirtschaft a keng Verwaltungswaasserkäpp.

D'ADR verdedegt de Prinzip vun enger staarker Gemengenautonomie. Nom Subsidiaritätsprinzip soll de Staat sech just ëm Aufgaben këmmern, déi net besser vun der Gemeng ze erleedege sinn.

## E neie Flair fir Beetebuerg

D'ADR Sektoun Beetebuerg trëtt u mat frischem Elan. Si ass fir dës Gemengewalen gegrënnt ginn. Déi jonk Parteisektoun wëll der Onzefriddenheet zu Beetebuerg Ausdrock ginn. A si wëll Alternative weisen wéi eng Stad sech och kann entwéckelen a wéi hir Zukunft ka geplangt ginn.

Et ass ni einfach, wann ënnerschiddlech Uertschaften zesummewuessen, wéi Obeler, Fenneng, Héncheneng, Näreng a Beetebuerg. Trotzdeem gesäit déi nei Entwécklung net gesond aus. Mäer erliewen grouss Investitiounen zu Beetebuerg. Angscht kann ee kréien fir dee flotten Duerfcharakter vun deenen

aner Uertschaften vun eiser Gemeng. Stellt Iech emol déi véier Dierfer vir, wann nei Haiser d'Gewanderteschent opgefriesst hunn. Do feelt eis de kloere Konzept.

Mäer hätten gär e neie Flair an d'Gemeng. Mir wëllen, datt nei Projeten gutt duerchduert ginn, mat Léift zum Detail. Mir wëllen eng propper Gemeng, mir wëllen eng Gemeng wou d'(Verkëier)regele fir all Mënsch sinn an mir wëllen eng Gemeng, wou net fir vill Suen e „Shared Space“ geschaf gëtt, deen d'Vitesse vun den Autoën net bremst, a wou duerno och nach bëlle Blumendëppen dragesat ginn.



Op dëser Gruppheft feelt de Patrick Kohn

## Inhaltsverzeechnes

ADR: eng kloer Sprooch!

E neie Flair fir Beetebuerg

Säit 1

Alternativ geduecht: Sport, Gesondheet, Kultur an Déieren

Säit 2

D'Lëtzebuerger Sprooch a Kultur op déi éischt Plaz

Behënnerten- a senioregerecht Politik

6 Prioritéiten fir Är Gemeng

Solidaritéit a Gerechtegkeet

Säit 3

Kompetent politesch Gouvernance, w.e.g.!

[Mëmbler-Formular](#)

Säit 4

Konkret Hëllef fir Familljen mat Kanner!

Keng Parkplatzsuerge fir d'Awunner

Sécherheet fir Foussgänger

Taxe si kee Buch mat siwe Sigelen

Säit 5

De Verkëier zu Beetebuerg konsequent verbessern

Flüchtlingen ophuelen, mat Häerz, awer och mat Verstand

Säit 6

Ëmwelt a Liewensqualitéit sinn eis wichteg!

Den Tourismus läit eis um Häerz!

Säit 7

[Eis Kandidaten fir Är Gemeng](#)

Säit 8

### Walprogramm (Lëtzebuergeresch)

- [https://adr.lu/alternativ\\_2017\\_l/](https://adr.lu/alternativ_2017_l/)

### Wahlprogramm (Deutsch)

- [https://adr.lu/alternativ\\_2017\\_d/](https://adr.lu/alternativ_2017_d/)

### Programme électoral (Français)

- [https://adr.lu/alternativ\\_2017\\_f/](https://adr.lu/alternativ_2017_f/)

### Election program (English)

- [https://adr.lu/alternativ\\_2017\\_e/](https://adr.lu/alternativ_2017_e/)

### Programa eleitoral (Português)

- [https://adr.lu/alternativ\\_2017\\_pt/](https://adr.lu/alternativ_2017_pt/)



## Alternativ geduecht: Sport, Gesondheet Kultur an Déieren

D'ADR an der Gemeng setzt sech on an dëse Beräich-er vum Gemengeliewen:

### ... Sport:

Am Aklang mat de reelle Bedierfnesser vun de Clibb setzt sech d'ADR voll a ganz fir d'ënnerstëtzung vu lokale Sportsveräiner an. Mir sinn der Meenung, datt een iwwert den Asaz vun de Sportsclubb integrativ d'Kanner- a Jugendbetreung ënnerstëtze kann. Sportprogrammer sollen sech zudeem un de breede Publikum richten a Bierger aus allen Altersklasse sollen u sportlechen Aktivitéiten deelhuele kënnen. D'ADR an ärer Gemeng wäert

- deene lokale Sportsveräiner finanziell ënnert d'Äerm gräifen an hinnen déi néideg Infrastruktur zur Verfügung stellen
- Sport och am drëtten Alter mat adaptéierte Méiglechkeete fërderen an ënnerstëtzen
- eng global Versécherung ofschléisse fir Fräizäitaktivitéiten, déi d'Gemeng ubidd
- Sportinstallatiounen an de Parken opstellen fir de breede Publikum



Musse Sportinfrastrukturen mat Schoulgebaier vermëscht baut ginn?

### ... Gesondheet:

D'ADR an ärer Gemeng wäert am Beräich vun der Gesondheet:

- Konzepter erschafe, déi d'Versuergung um medezineschen Niveau verbessern
- Déi medezinesch a medikamentéis Versuergung an Noutfäll, nuets an de Weekend méi effikass gestalten a soumat verhënnere, datt de Bierger wäit Weeër muss zréckleeën, fir medezinesch a medikamentéis versuergt ze ginn.

### ... Kultur:

D'Fërderung vun engem spannenden a faarwege Kulturliewen ass eng vun der Gemeng hiren zentralen Aufgaben. D'ADR an ärer Gemeng wäert:

- lokal Kulturveräiner a Kulturhaiser beim Erschafe vun engem variéierte Kulturprogramm materiell a finanziell ënnerstëtzen
- systematesch ëffentlech «Bicherschief» an de Quartieren an all Uertschaft vun der Gemeng opstellen
- kulturell Veranstaltungen (Concerten/Theater) an der Gemeng organiséieren/ënnerstëtzen - och mat Akzent op d'Lëtzebuerger Kultur
- d'Lëtzebuerger Kultur fleegen an un auslännesch Matbierger vermëttelen – fir d'Integratioun ze fërderen

### ... Déieren:

Déieren si fir vill Leit eng wëllkomm Gesellschaft an déi wëlle mer hinnen gënnen:

- Eng Hondswiss feelt an et ass d'Frop op et mat enger fir eis Gemeng duergeet.
- Amplaz mat vill Opwand un all Poteau an der Gemeng e Schëld ze hänken, datt een de Muppen dreck soll entsuerge, wär mat Tuten dofir méi gehollef
- D'Gemeng soll d'Hondstaxe op e Minimum reduzéieren a wa méiglech ofschafen. Stierft en Hond, soll de Montant fir deen nächste Mupp zielen.

**adr-**  
ALTERNATIV DEMOKRATESCH  
REFORMPARTEI

# D'Alternativ fir Är Gemeng!

[www.adr.lu](http://www.adr.lu)



## D'Lëtzebuerger Sprooch a Kultur op déi éischt Plaz!

D'ADR ass déi Partei, déi sech wéi keng aner an ouni Kompromesser fir d'Lëtzebuerger Sprooch asetzt. Mir setzen eis dofir an, datt d'Lëtzebuerger Sprooch net nëmmen op nationalem, mee och op kommunalem Niveau zu hirem Recht kënnt.

D'ADR setzt sech dofir an, datt d'Lëtzebuerger Sprooch un éischter Plaz steet:

- an de Gemengepublikatiounen
- a Bréiwer, Dokumenter an Informatiounen
- um Internet-Site vun der Gemeng
- an der Äntwert op een - op Lëtzebuergesch

formuléierte - Bréif

- op Stroosseschëlde fir d'Identitéit vun eise Stroossen ze halen
- als Integratiounshëllef mat gratis Sproochecoursen (eventuell mat enger Aschreiwtax, déi bei Presenz an de Couren zeréckbezuelt gëtt). Déi Couren sollen och ausserhalb vun übleche Schaffzäiten ugebuede ginn.

D'ADR huet kee Problem domat, wann d'Awunner vu Lëtzebuerg och an anere Sproochen informéiert ginn. Allerdéngs hale mir dorop, datt Lëtzebuergesch déi éischt Sprooch ass.



Egal wéi een dat Schëld bei der Kierch kuckt: Lëtzebuergesch ass hei net wëllkomm.

## Behënnerten- a senioregerecht Politik

D'UN-Konventioun fir d'Rechter vu Mënsche mat Behënnung gouf 2011 vu Lëtzebuerg ratifizéiert. Och wann hei punktuell scho munches ëmgesat gouf, sou feelt nach ëmmer villes. Ëmmer nach stoussen déi betraffe Leit op schwierig Situatiounen, déi hinnen et net erlaben, u gesellschaftlechen Ulass deelzehuelen oder sech fräi an der Gemeng ze beweegen, ouni op äusserlech Aschränkungen ze stoussen.

D'ADR setzt sech dofir an, datt déi gesamt Gemengeninfrastruktur am Laf vun der nächster Legislaturperiod behënnerten- a senioregerecht gemaach gëtt. Sécher net gutt sinn d'Zougangswäer fir d'Hëncherenger Kierch, den alen Deel vun der

Gemeng, d'Krankekeess an natierlech d'Gare an hir Quaiën.

Dëst betrëfft esouwuel den Accès wéi och d'Beuegen ënnerhalb:

- administrativen a kulturelle Gebaier
- Gebaier vu Bildungs- a Betreuungsstrukturen
- Gebaier vum Gesondheetssystem a vu Fleegestrukturen
- Kierchen a Kierfechter
- Sport- a Fräizäitanlagen
- Sanitär-Anlagen
- Verkéiersstrukturen (z.B.: Foussgängerluuchten, Stroossenwäergäng, Busarrëten ...)

Duerfir muss en Inventar opgestallt ginn, an deem fir all ëffentlech Infrastruktur an der Gemeng festgehale gëtt, ob si behënnerten- a senioregerecht amenagéiert ass. Am Gemengebudget muss dann och all Joer e Programm a Kreditter festgehale ginn, fir dës spezifesch Infrastruktur ze verbesseren.

Desweideren wäerte mir och d'Bautereglement esou änneren, datt nei Appartementshaier a Geschäftslokaler direkt no behënnerten- a senioregerechte Kritäre musse gebaut ginn.

D'ADR wäert dofir suergen, datt eng integral behënnerten- a seniorefrëndlech Upassung vun alle Gemengeninfrastrukturen net just a Sonndesriede versprach gëtt, mee och an d'Realitéit ëmgesat gëtt.

D'ADR Beetebuerg setzt sech dofir an daat Zougangswäer vir Léit mat engem Handicap ugelued gin (z.B. Hëncherenger Kierch, an Deeler vun ëffentlecher Gebaier, Krankekeess zu Beetebuerg, Zuchgare zu Beetebuerg)



Och sanitär Anlagen musse behënnerten- a senioregerecht sinn.

## 6 Prioritéiten fir Är Gemeng

1. **Bezielbaart Wunnen:** D'ADR huet konkret Solutiounen fir d'Gemeng!
2. **Ëffentlech Sécherheet heescht Sécherheet fir jiddereen:** Eis Gemeng brauche méi Police, eis Bierger brauche Kommissariater, do, wou si wunnen.
3. **Mobilitéit ouni Dirigismus:** D'Gemeng organiséiert de Matenee vun Auto, Foussgänger a Velo. Si mécht net de Choix vum Verkéiersmëttel.
4. **Famillje mat Kanner beschméiglech ënnerstëtzen:** Mir brauchen Uertschaften, wou Kanner sech kënnen wuelfillen an entfalten.
5. **D'Lëtzebuerger Sprooch als wichtegst Mëttel zur Integratioun:** Un der Gemeng ass et, eis Sprooch ze verbreed an ze léieren.
6. **Flüchtlingen ophuelen, mat Häerz awer OCH mat Verstand:** D'Gemeng muss an dëser Fro matschwätzen an d'Decisiounen dierfen net iwwer d'Käpp vun de Bierger ewech geholl ginn.

## Solidaritéit a Gerechtegkeet

Solidaritéit a sozial Gerechtegkeet droen zu enger gudder Liewensqualitéit bäi. Fir d'Solidaritéit géigeniwwer deene Matbierger am héijen Alter an deene mat Krankheeten oder Behënnerungen, muss och d'Gemeng mat Verantwortung droen. D'Gemeng soll zesumme mat spezialiséierten Associatiounen an Hëllefscdëngschter dozou bäidroen, datt déi betraffe Leit net aus dem gesellschaftlechen, kulturellen a sportleche Gemengeliewen ausgeschloss ginn.

Fir dëser Verantwortung gerecht ze ginn, suergt d'ADR dofir, datt d'Gemeng

- intergenerationell Projete ausschafft a fërdert
- e qualitativ héichwäertegen an ëmweltfrëndleche Service "lessen op Rieder" ubitt
- e flexiblen Transport fir déi Betraffen ubitt, fir um aldeegleche Liewe kënnen deelzehuelen
- Komfort- a Gesondheetscdëngschter am Duerf- oder Quartierszentrum huet (Epicerie, Bäckerei, Zeitungsbuttek, Bancomat, Apdikt, Praxis vun Dokter)
- kommunal Gebailechkeete fir esou Dëngschter iwwer de Wee vum symbolesche Loy-er zur Verfügung stellt

## Matschaffen! Froen? Ureegungen!

Hutt Dir Froen oder Ureegungen oder wëllt Dir bei ons aktiv matschaffen, dann zéckt net a rufft un, ënner der Nummer:

**+352 26 20 37 06**

# Kompetent politesch Gouvernance, w.e.g.!

D'ADR steet fir eng staark Gemengenautonomie: All Themen, déi op kommunalem Niveau behandelt kënne ginn, sollen och an der Verantwortung vun der Gemeng bleiwen. Mir setzen eis a fir eng selbstbestëmmt an eegenverantwortlech Gemeng. Fir datt d'Gemegepolitiker an deem Sënn hirer wichteger Aufgab voll a ganz gerecht kënne ginn, well d'ADR an ärer Gemeng ëmsetzen:

Eng systematesch Ënnerstëtzung vun de Gemengen- a Schäfferëit duerch Besiche vu Formationen a Weiderbildungen.

D'ADR an ärer Gemeng setzt sech desweidere fir eng verantwortungsvoll a nohalteg Finanzpolitik an.

- Wann et nëmme geet, keng Erhéijung vun den Taxen oder Gemengesteieren
- Wann et nëmme geet, kee Léine vu Suen
- D'Léine bleift d'Ausnam an därer nëmme dann ugewannt ginn, wann et sech op konkret a sënnavoll Investitioun bezitt.
- Investitiounen si sënnavoll, wa méiglechst vill Bierger dovun profitéieren (natierlech ouni dobäi déi Léit mat spezielle Bedürfnissen ze vergiessen)
- D'ADR mécht sech géint Korruptioun

a Vetternwirtschaft och op kommunalem Niveau staark

- D'ADR an ärer Gemeng setzt sech an, datt d'Entwécklungshëllef prioritär eng staatlech, a net eng kommunal Aufgab bleift
- Wëllen d'Gemengen hir eegen Programmer fir Entwécklungshëllef opstellen, sollen dës mam Staat koordinéiert ginn, fir duebel Aarbecht an Inkohärenzen ze verhënneren

- D'ADR an ärer Gemeng setzt sech a fir méi Biergerbedeelegung
- Bei wichtege kommunale Froen soll de Bierger matschwätzen däerfen
- Et soll an deem Sënn kënnen ee Referendum op kommunalem Niveau ofgehale ginn



D'ADR steet fir eng gutt gefouert Gemeng a wëll dës och déi néideg Mëttel ginn, fir dat realiséieren ze kënnen.

----- ausschneiden an un ADR 20, rue de l'Eau L-1449 Lëtzebuerg schécken -----



**Gidd Member an der ADR, a frot och Aër Familljemembren a Frënn, fir Member ze ginn.**

De Joresbeitrag ass fir eng Persoun 14.-€, fir e Stot 20.-€, a fir Schüler a Studenten 5.-€

Numm & Virnumm: .....

Adress: .....

.....

Telefon: .....

Email: .....

**de pefferkär**

**Oplag: 8.450**  
**Verantwortlech fir dës**  
**Pefferkär**  
**vun der Gemeng Diddeleng**  
**ass d'Alternativ Demokratesch**  
**Reformpartei**  
**22, rue de l'Eau**  
**L-1449 Lëtzebuerg**

**www.adr.lu**



## Konkret Hëllef fir Famillje mat Kanner!



All Uertschaft an der Gemeng brauch kannerfrëndleche Strukturen.

D'Kanner sinn d'Zukunft vun eiser Gesellschaft. Eng optimal Betreierung an Erzéiung, déi och de neie Liewensgewunnechte gerecht gëtt, huet fir d'ADR absolut Prioritéit. D'ADR wëllt den Elteren de Choix loossen, hir Kanner selwer ze erzéien oder qualitativ héichwäerteg Strukturen ze gebrauchen. Wichteg sinn eis dobäi besonnesch och d'Problemer vun elengerzéienden Elteren.

An deem Kontext stellen sech och op kommunalem Niveau eng ganz Rei wichteg Erausforderungen, déi d'ADR bereet ass an eiser Gemeng unzepacken, andeems mir:

- eis asetze fir qualitativ héichwäerteg Crèchen an genuch Plazen an de Gemengecrèchen

- den oppenen Dialog tëscht den Elteren, der Gemeng an de Betreuungsstrukturen (Jugendhaus, Crèchen, Schoulen...) féieren, fir méiglech Defiziter méiglechst séier erkennen a mat Verbesserungen entgéintwierke ze kënnen

- eis asetzen, fir eng Maison Relais, déi zu familljefrëndlechen Auerzäiten op ass an Zougang op eng Bibliothék, en Turnsall a Computere fir d'Kanner huet

- d'Interesse vun de Kanner u kommunale Veräinsstrukturen (Sportsveräiner, Museks- an Theaterveräiner asw.) fërderen a si fréistméiglech an d'Veräinsliwwen abezéien (beispillsweis duerch Schnupperformatiounen)

turen (Sportsveräiner, Museks- an Theaterveräiner asw.) fërderen a si fréistméiglech an d'Veräinsliwwen abezéien (beispillsweis duerch Schnupperformatiounen)

- d'Jugend beroden, hinne Fräizäitméiglechkeete bidden a hinnen hëllef, sech op d'Aarbecht virzebereeden (mat engem qualitative Konzept fir Projeten zur beruflecher Orientéierung)
- Aarmut biergerno an onbürokratesch bekämpfen an d'Prozedure fir d'Ufroen vun Hëllef vereinfachen
- e familljen- a kannerfrëndleche Kader schafen, mat Spillplazen, öffentlech Wéckeldëscher, asw.

## Sécherheet fir Foussgänger

D'Foussgänger sinn am Verkéier dacks déi Domm. Nei Forme vum Matenee am Verkéier (Shared Space, Foussgängerzonen mat Velos-Traffic ...) a nei Forme vun der Fortbeweeung (Gefierer mat elektresche Motoren) bréngen hinnen zousätzlech Geforen. D'ADR wäert esou geféierlech Situatiounen genee analyséieren.

Fir eis sinn eng Foussgängerzone oder en Trètoir net do, fir Konschten um Velo virzeféieren. Mee och a gemischten Zonen soll kee mutwëlleg behënnert ginn.

Och wann de Foussgänger Viirrecht huet, soll hien och un déi aner denken an esou séier wéi méiglech iwwe d'Strooss goen.

Besonnesch wäerte mär préifen, ob Einbahnstroossen, an deene Veloën dierfen an zwou Richtungen fueren, wierklech Viirdeeler brengen oder just en onnéidege Geforepunkt sinn. Mir hätt gär méi Respekt am Verkéier a gezilt Police-Aktiounen fir dat duerchzesetzen.

## Taxe si kee Buch mat siwe Sigelen

Bei den Taxen vun der Gemeng muss ee studéiert hunn, fir d'Rechnungen verstoen. D'ADR trëtt a fir Tariffer, déi all Mënsch ka novollzéien. Et kéint och bei der Sich no enger neier Wunneng en Argument sinn, wann all Gemeng kéint annonciéieren, wat de Liter Waasser kascht oder de Kilo Offall an der Dréckskëscht.

Et gëtt kee Grond, firwat d'Supermarkéien musen transparent Kilos- a Literpräisser affichéieren an d'Gemengen net.

## Keng Parkplatzsuerge fir d'Awunner

D'Parksituatioun an de Gemenge gëtt ëmmer méi schwéier.

Duerfir sti mir fir de generaliséierte Parking résidentiel an alle Wunnzonen. Op de Gemengen-Parkplazen, déi net fir P&R sinn, ass d'Parkdauer vu 7 Auer mueres bis 18 Auer op 4 Stonne limitéiert, fir ze verhënneren, datt Pendler hir Autoe heihistellen.

Mir wëllen och derfir suergen, datt de Parking résidentiel an der Gemeng eenheetlech gereegelt ass. Eng Vignette soll de Awunner onbegrenzt Parkrecht an hirem Quartier an zousätzlech mindestens 2 fräi Parkstonnen um iwwregen Terrain vun der Gemeng ginn.

Mir wäerte mam Staat kucken, fir bei der Gare genuch P&R-Plazen ze schafen.

Fleegdéngschter am Asaz beim Bierger kréie bei eis eng gratis Parkvignette,

D'ADR wäert derfir suergen, datt Betribs-

camionetten net an de Wunnquartiere parken. Wa méiglech sollen, baussent de Wunn-

zonen a mat staatlecher Hëllef, obligatoresch Parkplaze fir dës Gefierer ageriicht ginn.



Wëll Parken entwéckelt sech zum Beetebuurger Sport.



## De Verkéier zu Beetebuerg konsequent verbessern



**Och no de villen Aarbechten a mat zwee Huckelen bleiwt d'Garer Strooss trotz Blummendëppen eng Rennstreck.**

Beetebuerg an Diddeleng mussen un engem Strang zéien. Soss erstécke si am Verkéier.

Beetebuerg leit elo schonn ënnert de Schwéiertransporter. D'Camionen missten a Beetebuerg vill méi konsequent kontrolléiert ginn. Mam Logistikzenter wäert d'Zuel vun deenen nach zouhuelen.

De Wee fir op Diddeleng iwwer d'Diddelenger Strooss wäert net méi einfach ginn, wann den Transportbetrib bis op Héichtouren leeft.

Et ka Beetebuerg och net egal sinn, wann d'Gewan bis bei d'Nopeschgemeng zoubetonéiert gëtt.

Net nëmmen den Trafic, och déi hei geplangte Geschäfte hunn en direkten Afloss op d'Beetebuerger Gemeng an op d'Geschäftswelt, déi mat neier Konkurrenz muss liewen. Déi nemmelech Politiker, déi esou Riesebauprojeten tëscht Beetebuerg an Diddeleng erlaben, bekloer sech dann iwwer d'Verkéisstauen, déi aus esou Pläng entstinn.

A ganz konkret huet Beetebuerg och seng ganz eege Problemer. D'Näerzenger Barriären blockéieren dës Uertschaft bei all Zuch direkt zwee Mol. Plaz fir eng Léisung wär do.

Mee anscheinend mengt d'Gemeng, déi Näer-

zenger kéinte sech mat deem Problem do selwer rafen.

Déi fuschnei Garer Strooss ass zwar agreabel fir Foussgänger, awer net manner geféierlech ginn. Well op deem schnouerriichte Stéck Strooss ginn d'Autoë net wierklech gebremst vun deenen ugedeutenen Lesersrecken.

Op där aner Säit ass Beetebuerg vun der Fläch hir zimmlech grouss. Duerch déi verschiddenen Uertschaften, déi d'Gemeng ausmaachen, feelen eng ganz Rëtsch Alternativen duerch den öffentliche Transport: E City-Bus wär wëllkomm als kamouden Transport tëscht den Dierfer an eiser Gemeng.

Mee och den Ausbau vun der doucer Mobilitéit an d'Ariichte vu Velosweeër besonnesch tëscht de verschiddenen Uertschaften vun eiser Gemeng wäert net vu Mutwëll.

Selbstverständlech wäert, wa mär dat géingen ëmsetzen, Bushaisercher, déi dee Numm verdéngen an de Passagéier vum öffentlichen Transport bei all Wieder Schutz bidden.

A wa mär bei der Kamouditéit fir d'Buspassagéier sinn: Et wär net vu Mutwëll fir vun de Bushaisecher ze profitéieren an do och öffentliche Toiletten anzeriichten. Well därer feelen an eisen Uertschaften (a besonnesch därer, déi och gutt an der Rei a propper sinn).

## Flüchtlingen ophuelen, mat Häerz, awer och mat Verstand

Bei der Flüchtlingspolitik ass d'ADR fir human Léisungen, ënner Berücksichtigung vun deene relevanten internationale Konventionen. Mir sinn net d'accord mat der Flüchtlingspolitik vun der EU a Regierung. Europa kann net jiddereen ophuelen a Lëtzebuerg scho guer net. Dowéinst wëll d'ADR deene Leit Hëllef bidden, déi d'Hëllef wierklech brauchen. D'ADR ass géint e Quotesystem fir d'Migranten op d'Gemengen ze verdeelen. Mir bestinn op de Prinzip vum fräie Wëllen, geknäppt u Konditione.

Fir d'Opnam an der Gemeng gëllt:

- net de Stat eleng decidéiert, mee och déi eenzel Gemeng an hir Bierger entscheede mat iwwer d'Opnam vu Flüchtlingen
- hält eng Gemeng fräiwëlleg Flüchtlingen op, kréie si Ënnerstëtzung vum Stat
- fir Flüchtlingen opzehuelen, muss d'Gemeng e volontaristischen Integratiounsplan hunn
- mat der Flüchtlingsopnam duerf et net zu Parallelgesellschaften kommen

Fir d'Wunnengsfro gëllt:

- sougenannte Containerdierfer brauchen den Accord vun der Gemeng

- de Stat soll net just iwwer d'Prozedur vum POS (plan d'occupation des sols) verfueren
- et dierf net zu "Ghettoen" kommen
- et gi kloer Prozeduren fir ALL Leit, déi eng Wunneng brauchen a sichen, ouni Privilegierung oder Diskriminierung vun engen oder aneren

Fir d'Integratioun vun deene Flüchtlingen, déi bleiwen dierfen, gëllt:

- d'Gemeng huet eng aktiv Roll am Dialog tëscht de Flüchtlingen an de Bierger a Veräiner
- en Integratiounsplan muss opgestallt ginn, fir d'Leit, déi bleiwen dierfen, Lëtzebuergesch ze léieren a si optimal ze integréieren
- d'Kanner sollen an d'Aktivitéiten vu kommunale Betreiestrukturen agebonne ginn
- Kanner am Grondschulalter, sollen an der kommunaler Grondschul opgeholl ginn, ënnert der strikter Bedéngung, datt de Schoulministère zousätzlech Ressourcen (besonnesch Personal a Material) dofir bereet stellt



## Ëmwelt a Liewensqualitéit sinn eis wichtig!



### Liewensqualitéit? Näerzeng leit mat zwou Barriären ënnert der Mobilitéit.

Der ADR läit d'Ëmwelt um Häerz. Mee d'Problemer mat deem onerhéierte Wuesstem, dee Lëtzebuerg iwwer d'Joerzengte kennt, verlaangen no Léisungen.

Gemengen kënnen iwwerméissege Waasser- an Energiekonsum an iwwerméissegen Offall richteg deier maachen. Si kënnen Bauviirschrëfte maachen, fir datt energiebewusst gebaut gëtt. Si kënnen Gréngzonen definéieren a Land vum Wunnengsbau verschounen. Si kënnen dem Bierger hëllefen, säin Dreck ze triéieren a richteg ze entsueren.

Symbolesch an ouni vill Onkäschten kann d'Gemeng och engem Klimabbond bäitrieden.

Eng Gemeng muss awer ëmmer am Déngscht vum Bierger schafen.

Si ass do fir dem Bierger ze hëllefen an net, fir hien ze schickanéieren.

Si ass och net do, fir hien ze erzéien. De Bierger soll ëmmer d'Wiel hunn!

„Intelligent Compteuken“ hëllefen dem Bierger, fir säi Stroumverbrauch ze verstoen. D'Gemeng an de Stat hunn awer kee Recht, op Grond vun dësen Donnéeen dem Bierger seng Gewunnechten ausespionéieren. Anersäits ass d'ADR Beetebuerg fir d'Aféierung vun „Domotique Systemer“, déi den Energieverbrauch an ëffentlecher

Gebaier kontrolléiert.

D'Liewensqualitéit an de Wunnquartiere heescht: kee wëlle Parking, kee Nuetskaméidi, ëffentlech Feieren do, wou se net d'Nuetsroustéieren ...

Gemengegäuer sinn ideal fir effikass Solaranlagen opzestellen: All Bierger ka sech finanziell dodru bedeelegen an dovu profitéieren. Och Kogeneratiounsanlagen maache Sënn.

Duerfir wäert d'ADR an der Gemeng dës Regeln duerchsetzen:

- Gemengeservicer op iwwerméissege Ressourcekonsum (Verbëtzten duerch schlecht Waasserleitungen ...) an ëmweltschounend Praktiken präifen (Botz a Planze- schutzmëttel, Käercher, Bloss- a Suckelapparater fir d'Strooss propper ze halen ...).
- Infrastrukturen wéi Kanäl, Leitungen a Kläranlagen plangen mam Wuesstum am Hannerkapp.
- Ëmwelt- an Energienormen dierfen net dem Bierger Nodeeler bréngen oder de Choix huelen.
- 30 Fudder Waasser gratis op de Kapp an duerno eng progressiv gestaffelt Tax.
- Wann eng Gemeng net laanscht d'Erweiterung vum Baupérimeter kënnt, muss dat esou ëmweltschounend wéi méiglech (keng wäertvoll Gréngzonen) an am Respekt vum Uertscharakter (keng laanggezunne Stroossendierfer) geschéien.
- D'Beanträchtegung vun der Liewensqualitéit duerch iwwerméissege Kaméidi an iwwerméissege Nuetsbeliichtung kontrolléieren an aschränken.
- Eng Gemeng brauch net just schéi Parken a Plaze mat Beem a Blummen: Si brauch och Gaardekolonien a Gemeinschaftsgäert a Wisen, wou d'Leit kënnen spille, Sport dreiwien ...
- De Bierger hire Wësch (Ëmfro) bei der Wunndensitéit (Haiser fir méi Familljen) an Awunnerzuel soll no Informationsversammlungen bei der Gemeindeplanung Rechnung gedroe ginn.

Zu Beetebuerg wëlle mir och ganz konkret:

- wëll Blummen upflanzen am Plaz de „Fauchage tardif“ fir och eppes fir d'Beien ze maachen
- gratis Blummesom verdeelen an esou vill Blummebeeter wéi méiglech upflanzen

## Tourismus läit eis um Häerz!

Fir vill Gemenge spillt den Tourismus eng wichteg Roll. Dofir dréit nieft dem Stat och d'Gemeng an eisen Aen mat Verantwortung an dësem Beräich.

D'ADR wäert:

- regional an interkommunal Vëlospisten a Foussweeër
- ausbauen an ënnerhalen
- korrekt an iwwersiichtlech beschëlderen
- ëm den Tourismus beméite lokal a regional Syndikater an Tourismusbüroen ënnerstëtzen, fir touristeschen Hebergementer an Aktivitéiten an der Gemeng ze hëllefen
- duerch Moosnamen iwwert

d'Gemengereglement verhënneren, datt nei Forme fir Touristen opzehuelen (wou z.B. privat Leit hir Zëmmeren zur Verfügung stellen), deenen an der Gemeng etabléierten Hotel- len deloyal Konkurrenz maachen

- d'Konzept vu der Vakanz um Bauerenhaff ënnerstëtzen
- historiesch Bau- substanz schützen an erhalen.



Beetebuerg soll sech net schummen a méi konsequent op Tourismus setzen.





**Ahles Fernand**  
46 Joer, Beetebuerg,  
Geschäftsmann



**Blasen Edouard**  
75 Joer, Beetebuerg,  
Pensionéiert



**Eisenlöffel Guy**  
47 Joer, Beetebuerg,  
Staatsaarbechter



**Feltz Micheline**  
70 Joer, Beetebuerg,  
pensionéiert  
Geschäftsfra



**Flammang Pascal**  
52 Joer, Näerzeng,  
Manager vun enger  
Bank



**Hermann Fabrice**  
22 Joer, Beetebuerg  
Germanistik-Student



**Klein Klaus**  
56 Joer, Beetebuerg,  
Usträichermeeschter



**Koehler Camille**  
71 Joer, Hënchereng,  
pensionéierte  
Gemegefouctionnaire



**Koehler Pierrette**  
47 Joer, Hënchereng,  
Sekretärin



**Kohn Patrick**  
49 Joer, Beetebuerg,  
Eisebunner



**Kopp Pierre, genannt Pit**  
52 Joer, Hënchereng,  
Magasinier



**Schneider Gérard**  
50 Joer, Beetebuerg  
IT Service Manager



**Stehmeier-Ruppert  
Marianne**  
55 Joer, Beetebuerg,  
Ersatzpersoun an  
enger Crèche



**Stirn Tanja**  
37 Joer, Beetebuerg,  
Fräiberuffler



**Storck Stéphanie**  
29 Joer, Näerzeng,  
Usträicher-Dekorateur